



Projet promovût di 'La Vôs dai Furlans' e 'ARLeF'

Lu saveviso
che...?

MAMAN

la VÔS dai FURLANS

Il carton
de setemane



Ce biel, doi biliets par fâ un zîr sul Sbrisson dal macaron!
Tui e Tuie si metin in file, ma jê no à pazience di spietâ...

Cjalìn insieme la pontade di *Tui e Tuie*
"Il sbrisson dal macaron" su



La paste e je deliziose! Si le fâs cun aghe e farine
e, ogni tant cul ûf. E à une vore di formis diferentis:
i spaghets, i blecs, lis penis,... Si le cuince in tantis
manieris, une plui buine di chê altre: cu la salse di
pomodoro, cul ragù, cu lis verduris o dome cuntun
fil di vueli e cul formadî! La paste e plâs a ducj e
par dut il mont. Pensait che e à une zornade dute
sô, che e cole vuê, ai 25 di Otubar. Anin alore a
prontâ la nestre ricete preferide!

Dissegne tu!

Ce aghegole! Dissegne chi
sot la tô paste preferide.




Ridi
a plene
panze!

Cuale ise la paste preferide dai cicliscj?
I blecs!

Cumò fâs tu!

Dome un spaghet al va di une bande a
chê altre dal plat. Rivistu a cjatâlu?



LES IMAGES A SON GJAVADIS FÛRDI HTTPS://IT.FREEPK.COM - HTTPS://PKAGAY.COM - HTTPS://ARLEF.IT/

Pagine curade
dal Sportel Regionâl
pe Lenghe Furlane de

ARLeF
AGJENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilîs su**



ANCJE
'ON DEMAND'
SU telefriuli

Cjale lis gnovis
pontadis su
telefriuli

Vinars aes 18.30
e in repliche domenie
aes 7.00 e aes 13.00

STELIS E LUSIGNIS
Noa



Roc. No tu âs avonde
energjie par dutis
lis robis che tu âs di
frontâ, dopre ben lis
tôs fuarcis.



Gjambar. Ancje
se il partner ti fâs
mateâ cuntune sô
passion, visiti che lu
fâs par amôr.



Balance. Tu âs di
cjapâ une decision
impurtante,
dopre dut il timp
che tu âs.



Bec di mont. Tu âs
voie di vê alc di siôr,
no stâ a lassâ che
chei altris a sielzedin
par te.



Taur. Tu tasis masse
su lis robis che ti fasin
tribulâ, invezit di vierziti
di plui cun chei che ti
stan dongje.



Leon. Une cuistion
ti somee une
vore imberdeade
e tal ultin al
sarà un parint a
disberdeâle.



Sgarpion. Tu
crodevi di rivâ a
no pensâ a une
persone e invezit
tu te cjatis simpri
denant.



Agarûl. Chestis
zornadis ti platin
plui di une sorprese,
soredut tai rapuarts
cu lis personis.



Zimui. Tu âs domandât
a cualchidun altri une
man, no stâ a crodi
che dopo no vignedin
a domandâti un plasê
indaûr.



Vergjine. No tu sês
convint di une sietle
fate pôc timp indaûr,
ma cambiâ cumò al
è masse tart.



Sagjitari. Sedi la
vitorie che la disfate
no son mai plenis,
tu âs di acetâ cheste
regule.



Pes. Un amî si
spiete un consei
impurtant di te, ma
no tu sês ancjemò
rivât a capî dulà
indreçâlû.

